



Na osnovu člana 5, 6 i 7 Zakona o koncesijama (Prečišćeni tekst) ("Službene novine Zeničko-dobojskog kantona", broj: 5/03) i Odluke Vlade Kantona o pristupanju provođenja procedure dodjele koncesije za istraživanje i eksploataciju mineralne sirovine - ceruzita na lokalitetu "Očekalj" i "Prgoševo" K.O. Dugandžići, općina Olovo, broj: 02-18-18217/16 od 03.11.2016. godine, Ministarstvo za privredu, raspisuje

JAVNI POZIV

ZA PRIKUPLJANJE PONUDA ZA IZBOR NAJPOVOLJNIJEG PONUĐAČA – KONCESIONARA ZA DODJELU KONCESIJE ZA ISTRAŽIVANJE I EKSPLOATACIJU METALIČNE MINERALNE SIROVINE - CERUZITA NA LOKALITETU "OČEKALJ" I "PRGOŠEVO", K.O. DUGANDŽIĆI, OPĆINA OLOVO

1. PREDMET KONCESIJE

Predmet koncesije je istraživanje i eksploatacija metalne mineralne sirovine - ceruzita, na lokalitetu "Očekalj" i "Prgoševo", K.O. Dugandžići, općina Olovo.

Istražno-eksploatacioni prostor ležišta je ograničen graničnim linijama sa prijelomnim tačkama kako slijedi:

Tačka 1	Y= 6 549 866,00	X= 4 884 387,00
Tačka 2	Y= 6 550 182,00	X= 4 884 263,00
Tačka 3	Y= 6 550 356,00	X= 4 883 955,00
Tačka 4	Y= 6 550 409,00	X= 4 884 002,00
Tačka 5	Y= 6 550 521,00	X= 4 883 901,00
Tačka 6	Y= 6 550 325,00	X= 4 883 717,00
Tačka 7	Y= 6 550 145,00	X= 4 883 840,00
Tačka 8	Y= 6 550 067,00	X= 4 883 950,00
Tačka 9	Y= 6 550 095,00	X= 4 884 000,00
Tačka 1	Y= 6 549 866,00	X= 4 884 387,00

Površina istražno-eksploatacionog polja je **155.972 m²**, a locirana je na parcelama K.O. Dugandžići, kako slijedi: k.č.1762, k.č.1777/3, k.č.1766, k.č.1765, k.č.1772, k.č.1771, k.č.1756, k.č.1757, k.č.1758, k.č.1768, k.č.1759, k.č.1760, k.č.1775, k.č.1774, k.č.1773, k.č.1764, k.č.1763, k.č.1761, k.č.1755, k.č.1754, k.č.1752, k.č.1753, k.č.1750, k.č.1751, k.č.1770, k.č.1769 i k.č.1767.

Ovo istražno – eksploataciono polje ima neposredni kontakt sa istražno – eksploatacionim poljem za koje je već dodijeljena koncesija koncesionaru "Geomet" doo Olovo.

2. OPIS PROJEKTA

Koncesionar će imati mogućnost realizirati projekat, zasnovan na predmetu koncesije, a to je istraživanje i eksploatacija mineralne sirovine - ceruzita na navedenim lokalitetima, odnosno realizirati proizvodnju koncentrata metala olova. Procjenjuje se da bi ovim projektom bio uposlen veći broj domicilnog stanovništva. Proizvodnja bi bila, kada se rudnik aktivira u punom kapacitetu, preko 100.000 tona rude ceruzita. Prema terenskoj prospekciiji, te prema rezultatima ranijih istražnih radova ustanovljeno je da su rezerve ležišta Prgoševo 324.565,00 A-kategorije, B-kategorije 466.809,00 i C₁-kategorije 540.680,00 tona rude ceruzita, a ležišta Očekalj A-kategorije 470.757,00, B-kategorije 728.921,00 i C₁-kategorije 1.070.366,00 tona, što ukupno čini 3.502.098,00 tona ceruzita. Sa proizvodnjom od 100.000 t godišnje, vijek trajanja rudnika je minimalno 25 godine, s tim da će koncesionar dopunskim istraživanjima ovaj vijek značajno produžiti prevođenjem vanbilansnih u bilansne rezerve, te dopunskim istraživanjem okolnih lokaliteta koji nesumnjivo postoje.

3. PRAVO UČEŠĆA

Pravo učešća na ovom javnom pozivu imaju domaća i strana pravna lica koja su registrirala firmu u Bosni i Hercegovini i imaju registrovanu djelatnost iz područja rudarstva.

4. VRIJEME TRAJANJA KONCESIJE

Vrijeme koncesije za eksploataciju je **25 godina**, računajući od dana dobivanja dozvole za eksploataciju, a zavisit će od utvrđenih rezervi mineralne sirovine;

5. KRITERIJI ZA IZBOR NAJPOVOLJNIJEG PONUĐAČA

OPĆI ELIMINATORNI USLOVI

Opći eliminatorni ulovi za izbor najpovoljnije ponude za dodjelu koncesije za eksploataciju ceruzita na predmetnom lokalitetu su:

- a) Dokaz o uspješnom poslovanju ponuđača u posljednje tri poslovne godine;
- b) Dokaz o uredno izmirenim javnim prihodima (porezima, doprinosima, koncesionim naknadama...):
 - Dokaz o uredno izmirenim obavezama prema Budžetu Zeničko-dobojskog kantona ne stariji od 60 dana, računajući od dana prijave na Javni poziv;
 - Dokaz o uredno izmirenim porezima, ne stariji od 60 dana, računajući od dana prijave na Javni poziv;
 - Dokaz o uredno izmirenim doprinosima za PIO/MIO, te za zdravstveno osiguranje, ne stariji od 60 dana, računajući od dana prijave na Javni poziv;
- c) Garancija banke na iznos vrijednosti minimalne jednogodišnje eksploatacije mineralnog resursa ceruzita prema ponuđenoj cijeni koncesione naknade, sa rokom važenja do 90 dana;
- d) Studija o ekonomskoj opravdanosti dodjele koncesije na istraživanje i eksploataciju mineralne sirovine - ceruzita na lokalitetima "Očekalj" i "Prgoševo" K.O. Dugandžići, općina Olovo, urađena prema Načelnom sadržaju koji se može dobiti u Ministarstvu;
- e) Ovjerena izjava da pod krivičnom i materijalnom odgovornošću nesporno prihvata finansijsku obavezu sukcesivnog deminiranja prema razvoju i dinamici istražno-eksploatacijskih radova;
- f) Ovjerena izjava ponuđača da pod krivičnom i materijalnom odgovornošću, nesporno, prihvata sve uslove iz Saglasnosti Općinskog vijeća Olovo, broj: 01-01-3-1309-1/16 od 14.06.2016.godine;
- g) Ovjerena izjava da se pod krivičnom i materijalnom odgovornošću obavezuje omogućiti realizaciju svih projekata od općeg interesa, za koje Općinsko vijeće Olovo iskazuje interes, a nije u koliziji sa ovim Projektom;
- h) Ovjerena izjava da pod krivičnom i materijalnom odgovornošću, nesporno, prihvata obavezu da u toku eksploatacije, u slučaju nailaska na sirovine plemenitih metala, obavijesti Koncesora i iste deponuje u području istražno-eksploatacionog lokaliteta, te ih preda Koncesoru;
- i) Ovjerena izjava Koncesionara ("Geomet" d.o.o Olovo), čije istražno-eksploatacijsko polje graniči sa istražno-eksploatacijskim poljem iz predmeta ovog Javnog poziva, o spremnosti regulisanja međusobnih obaveza i odgovornosti u provođenju mjera zaštite na radu i zaštite zdravlja zaposlenika, data u skladu sa članom 17. stav (4), Zakona o rudarstvu Zeničko-dobojskog kantona („Službene novine Zeničko-dobojskog kantona“, broj: 10/12).

Izjave pod (e), (f), (g) i (h) mogu biti date u integralnoj formi, odnosno objedinjene.

POSEBNI USLOVI

Ponuđači su dužni ponuditi nedvosmislene iznose prema slijedećim elementima:

- (a) Kontinuirana koncesiona naknada:
Kontinuirana koncesiona naknada koja će se usaglašavati na kvartalnom nivou prema kretanju cijene metala olova na Londonskoj berzi.
Ponuda sa najvišim iznosom boduje se sa 60 bodova.
Minimalni iznos koncesione naknade je **1,5 KM/t rovne rude** (slovima: jedan zarez pet konvertibilnih maraka po toni rovne rude).
- (b) Jednokratna koncesiona naknada:

Jednokratna (fiksna godišnja naknada za period od 25 godina) koncesiona naknada po metru kvadratnom istražno-eksploatacionog.

Ponuda sa najvišim iznosom boduje se sa 20 bodova.

Minimalni iznos ove naknade je **0,15 KM/ m²** (slovima:

nulazarezpetaestkonvertibiknihmaraka) istražno-eksploatacionog prostora na koji se daje koncesija ;

(c) Minimalna godišnja obavezujuća realizacija predmeta koncesije:

Ponuda sa najvišim iznosom realizacije jedinice mjere predmeta koncesije u toku kalendarske godine boduje se sa 20 bodova.

Minimalna godišnja realizacija predmeta koncesije je **120.000 t/ godini rovne rude** (slovima: stotinudvadesethiljada tona po godini rovne rude).

Napomena: Minimalni zbir bodova najpovoljnijeg ponuđača ne može biti manji od 70% maksimalnog broja bodova u skladu sa članom 2. Pravila o postupku dodjele koncesija ("Službene novine Federacije BiH ", broj:68/06).

Distribucija bodova vršit će se prema proporcionalnom principu.

6. POSTUPAK IZBORA NAJPOVOLJNIJE PONUDE

Izbor najpovoljnijeg ponuđača obaviti će Komisija u skladu sa Zakonom i Pravilnikom za ocjenu najpovoljnije ponude za dodjelu koncesije ("Službene novine Zeničko-dobojskog kantona", broj: 3/03).

7. SPISAK POTREBNIH DOZVOLA I DRUGIH AKATA

Najpovoljniji ponuđač - koncesionar je dužan prije potpisivanja koncesionog ugovora Ministarstvu za privredu dostaviti:

- snimak „nultog stanja“ istražno-eksploatacijskog polja,
- geodetski elaborat sa identifikacijom parcela,
- dokaz o rješanim imovinsko-pravnim odnosima za parcele iz istražno-eksploatacionog polja i dokaz da su otklonjeni ograničavajući faktori vezani za korištenje prostora,
- uplatnicu za jednokratnu naknadu,
- ovjerenu mjenicu sa mjeničnom izjavom na iznos od 360.000,00 KM.

Najpovoljniji ponuđač - koncesionar dužan je odmah nakon potpisa Koncesionog ugovora obezbijediti:

- upis Koncesionog ugovora u Zemljišne knjige i dostaviti ZK uložak Ministarstvu za privredu, a u daljnjim upravnim postupcima i:
- urbanističku/građevinsku saglasnost za realizaciju projekta zasnovanog na korištenju predmeta koncesije, izdatu od ovlaštenog organa,
- vodoprivrednu saglasnost, izdatu od ovlaštenog organa,
- šumarsku saglasnost, izdatu od ovlaštenog organa,
- okolinsku dozvolu,
- saglasnost Zavoda za zaštitu spomenika.

8. NAČIN DODJELE KONCESIJE

Koncesija će se dodijeliti prema kriteriju najpovoljnijeg ponuđača tj. po principu najvećeg zbira bodova tenderskih kriterija, koji uključuju visinu kontinuirane i jednokratne koncesione naknade, minimalnu godišnju realizaciju predmeta koncesije, poslovni rezultat, kao i na osnovu općih kriterija dodjele koncesije za istraživanje i eksploataciju ceruzita na lokalitetima "Očekalj" i "Prgoševo", općina Olovo.

9. PREUZIMANJE TENDERSKE DOKUMENTACIJE

Dio tenderske dokumentacije se može preuzeti svakim danom od 9:00 do 15:00 sati u Ministarstvu za privredu Zeničko-dobojskog kantona.

10 . ROK ZA DOSTAVLJANJE PONUDA

Vrijeme trajanja Javnog poziva je **30 dana**.

Krajnji rok za dostavljanje ponuda, do kada ponude trebaju biti zaprimljene na Protokolu Vlade Kantona, je **28.12. 2016. godine do 16⁰⁰ sati**, po centralnoevropskom vremenu. Ponude podnesene poslije ovog

roka neće biti razmotrane i vratit će se ponuđaču neotpakovane. Strani ponuđači dužni su ponudu dostaviti na jednom od službenih jezika u Bosni i Hercegovini.

Zapečaćene ponude dostavljaju se na adresu:

ZENIČKO-DOBOJSKI KANTON
MINISTARSTVO ZA PRIVREDU
Komisija za koncesije
NE OTVARATI!
ul. Kučukovići br. 2
Zenica

11. OTVARANJE PONUDA

Otvaranje ponuda održat će se **dana 29.12. 2016. godine, sa početkom u 10,⁰⁰ sati**, u prostorijama Vlade Kantona, broj: 301, ul. Kučukovići br. 2. Zenica.

Sve dodatne informacije mogu se dobiti u Ministarstvu za privredu, telefoni: 032/460-720 i 032/460-721 ili fax: 032/460-722, E-mail: min.privreda@zdk.ba; veb stranici: www.zdk.ba.